



# ILIDŽA

## INFORMATIVNI BILTEN OPĆINE ILIDŽA

Ilidža • Mart 2018

• Broj 169



# 12. MART - DAN OPĆINE ILIDŽA





# Svečanom sjednicom obilježen 12. mart Dan reintegracije Ilidže



**P**olaganjem cvijeća ispred zgrade Općine Ilidža na centralnom spomen-obilježju započelo je obilježavanje 12. marta, Dana Općine Ilidža. Svečanom sjednicom Općinskog vijeća uz prigodan kulturno-umjetnički program, te dodjelom priznanja u Multimedijalnoj sali 12. marta obilježen je Dan Općine Ilidža, te 22. godišnjica od reintegracije općine.

Ovaj datum jako je značajan za sve Ilidžance jer su se nakon četiri ratne godine ponovo vratili na svoja ognjišta. Radost i sreća zbog povratka u svoje domove brzo je zamijenjena tugom, jer su prijeratne stanovnike Ilidže dočekali

opustošeni i zapaljeni objekti, zgarišta i ruševine. Sada, nakon toliko godina od reintegracije, Ilidža ima potpuno novi i ljepši izgled. Popravljen je stambeni fond, infrastruktura, škole, zdravstvene ustanove. Mnogo toga je izgrađeno. Na sjednici su dodijeljena općinska priznanja. Zlatnu plaketu Općine Ilidža dobili su Esad Delić za izuzetan doprinos u odbrani BiH i angažman u poslijeratnom periodu na zaštiti i ostvarivanju prava svih kategorija boračke populacije, Bilal Šuman za izuzetan doprinos u razvoju rukometa i postignute rezultate u uspješnoj internacionalnoj sportskoj karijeri i







## SVEČANA SJEDNICA OPĆINSKOG VIJEĆA

Mujo Hošić za iskazani patriotizam i profesionalnost u zbrinjavanju i liječenju ranjenih i oboljelih stanovnika u vrijeme agresije na BiH, doprinos u razvoju lokalne samouprave i poboljšanju uslova života građana tokom političkog angažovanja. Kolektivna Zlatna plaketa otišla je u ruke Fudbalskog kluba Famos za 65 godina kontinuiranog rada i djelovanja Kluba, afirmaciju fudbala i promociju općine Ilidža

Srebrnu plaketu dobili su Asad Fočo za izuzetan doprinos u razvoju vjerskog života i postignute rezultate u oblasti obrazovanja mladih, a kolektivnu Bokserski klub Ilidža za postignute rezultate na takmičenjima tokom 22 godine postojanja Kluba, afirmaciju boksa i promociju općine Ilidža.

Zahvalnice Općine Ilidža dobili su: Amar Gegić, dr. Azelma Hadžić-Osmanović, Džemal Bećirović, Zbor građana MZ Stup II, Udruženje gorska služba spašavanja i




Streljački klub Ilidža, Dževad Burazerović, Košarkaški klub Ilidža, Sead Šaković, Miralem Batlak, Rabija Kardašposthumno, dr. Edin Radušić, prim. dr. Ševala Hebibović, KUD Biseri Bjelašnice, Centar za fizikalnu terapiju i stomatološke ordinacija „Igasa“, Ćazim Mučić, Adil Tabaković, Mujo Kadrić, Planinarsko društvo Rakovica 2009, Emil Kalić, Nevzet Kolašinac, Sanjin Kodrić i Džemal Osmanović.







## REDOVNA SJEDNICA OPĆINSKOG VIJEĆA



## Donesena Odluka o pristupanju izradi izmjena i dopuna Regulacionog plana "Lužani"

Općinsko vijeće Ilidža na 14. redovnoj sjednici održanoj 29. marta 2018. godine u Multifunkcionalnoj sali donijelo je Odluku o pristupanju izradi izmjena i dopuna Regulacionog plana "Lužani" izgradnja stambeno-poslovnog objekta na uglu ulica H. Čelenke i K. Hegedušića. Površina obuhvata je 0,12 ha. Nosilac pripreme plana je načelnik Općine Ilidža, a nosilac izrade plana je Zavod za planiranje razvoja Kantona Sarajevo. Izmjenom plana će se preuzeti svi urbanističko-arhitektonski parametri iz korekcije plana i obzirom da se predloženim intervencijama ne narušava osnovni urbanistički koncept, plan će se raditi po skraćenom postupku.

## Donesena odluka o objavljivanju javnog oglasa za imenovanje člana nadzornog odbora JP Ilidža

Zbog smrti člana Nadzornog odbora JP Ilidža d.o.o. Nedžadula Suljića, Općinsko vijeće Ilidža donijelo je odluku o objavljivanju javnog oglasa za imenovanje jednog člana nadzornog odbora. Javni oglas će se objaviti u Službenim novinama Federacije BiH, Oslobođenju i web stranici općine. Rok za prijavu će biti 15 dana od dana objavljivanja.

## Izveštaj o radu i finansijskom poslovanju JP „Ilidža“

Općinsko vijeće je na sjednici usvojilo Izvještaj o radu Javnog preduzeća „Ilidža“ d.o.o. za poslovnu 2017. godinu i Izvještaj o finansijskom poslovanju za period 1. januar-31. decembar 2017. godine.

Javno preduzeće „Ilidža“ d.o.o. za obavljanje komunalnih i drugih djelatnosti je od javnog interesa čiji je osnivač Općina Ilidža, kroz čiju se aktivnost i djelatnost zadovoljavaju potrebe stonovnika pružanjem kvalitetnih komunalnih i drugih usluga uz maksimalno poštivanje zaštite okoliša. U tom pravcu učinjeni su značajni naponi na poboljšanje uslova za održavanje kulturnih i sportskih manifestacija od lokalnog, državnog i međunarodnog značaja. Preduzeće je u izvještajnom periodu realizovalo poslove održavanja čistoće na javnim površinama, košenje trave, uređenje korita vodotoka, održavanje javnih česmi, fontana i Centralog spomen obilježja, održavanje uređaja i postrojenja lokalne kanalizacione mreže, održavanje putnog i zaštitnog pojasa saobraćajnica, kanala i rigola i zimsko održavanje pješačkih staza i platoa. U proteklom periodu izvršena su značajna ulaganja u nabavku opreme i sanaciju objekata, a ostvareni su pozitivni finansijski rezultati. Usvojen je i godišnji izvještaj o poslovanju Javnog preduzeća Ilidža. U izvještaju je navedeno kako se svakodnevno nastoji raditi na podizanju kvalitete života, dasadašnjih i budućih generacija, kvalitetnim i ažurnim obavljanjem svojih poslova.

Vrijednost kapitala do 31. 12. 2017. iznosio je 209.354,00 KM. U izvještaju je navedeno da je na kraju 2017. godine JP Ilidža ostvarilo pozitivan poslovni rezultat što pokazuje da je tradicija stabilnog poslovanja uspješno nastavljena. Odnos prihoda i rashoda je na zadovoljavajućem nivou.

Svoje poslove je preduzeće obavljalo uz maksimalno poštivanje zaštite okoliša, održivog razvoja i javnog interesa općine Ilidža.




**REDOVNA SJEDNICA OPĆINSKOG VIJEĆA**

## Izvještaj o radu i Program rada mjesnih zajednica

Općinsko vijeće Ilidža je 14. redovnoj sjednici usvojilo Izvještaj o radu Savjeta mjesnih zajednica za 2017. godinu i Program rada Savjeta mjesnih zajednica za 2018. godinu za svih 16 mjesnih zajednica. Aktivnosti Savjeta mjesnih zajednica u 2018. godini bit će usmjerene na izvršavanju programa rada i finansijskog plana, obavljanju poslova koje Općina prenese u skladu sa Statutom Općine, na sazivanju zborova građana, učestvovanju u obilježavanju značajnih datuma, na rješavanju pitanja vezanih za poboljšanje uslova rada i življenja na područjima svojih mjesnih zajednica i davanju doprinosa u realizaciji svih ideja i akcija humanitarnog karaktera.

## Usvojen izvještaj o radu JU KSiRC

Izvještaj o radu i finansijskom poslovanju za period od 01. 01. do 31. 12. 2017. Javne ustanove Kulturno sportski i rekreacioni centar Ilidža bio je pred vijećnicima na 14. redovnoj sjednici i dobio je podršku. Javna ustanova je od posebnog društvenog interesa čiji je osnivač Općina Ilidža, a kroz čiju se programsku aktivnost i djelatnost zadovoljavaju potrebe i interesi građana i udruženja sa područja općine Ilidža i šire u oblasti kulture, sport i rekreacije. Usvojen je i godišnji izvještaj o poslovanju ove javne ustanove. U izvještaju je navedeno kako se svakodnevno nastoji raditi na podizanju kvalitete života, dasadašnjih i budućih generacija, kvalitetnim i ažurnim obavljanjem svojih poslova.

## Ovlašten Općinski načelnik da napravi ugovor sa Federalnim zavodom PIO

Raspravljajući o dugogodišnjem problemu devastiranog Doma penzionera, Općinsko vijeće Ilidža donijelo je zaključak kojim ovlašćuje Općinskog načelnika da napravi ugovor sa Federalnim zavodom za penzijsko-invalidsko osiguranje o ustupanju prava za prometovanje zemljišta koje obuhvata ovaj dom, uz uslov da se procedura provede javnim pozivom i uz poštivanje svih propisa za takve procese, a da zauzvrat nadoknada za dio kome je vlasnik Općina bude srazmjerna površinama kojima nije općina vlasnik. Uslove o veličini objekta koji će se graditi na tom mjestu će dati Zavod za izgradnju Kantona Sarajevo. Kad je riječ o izgradnji vjerskog objekta kod Internacionog univerziteta, Vijeće je donijelo zaključak kojim ovlašćuje Općinskog načelnika da za potrebe izgradnje objekta iznađe mogućnost da se Internacionanom univerzitetu formira parcela u zamjenu za zemljište preko puta Igmanovog igrališta, kako bi se izgradili vjerski objekti za potrebe turista koji dolaze na Ilidžu, studenata i stanovništva.



## Informacije

Vijeće je na sjednici primilo k znanju Informaciju o radu KJKP „Gras“ d.o.o. Sarajevo na području općine Ilidža za 2017. godinu uz zaključak da Općina Ilidža nije zadovoljna radom funkcionisanjem javnog prevoza na području općine sa zahtjevom za povećanje realizacije plana prevoza na svim linijama, stepena higijene u vozilima gradskog prevoza, te povećane broja vozila i nabavku novih vozila za nesmetano odvijanje javnog prevoza. Izraženo je i nezadovoljstvo odgovorom Ministarstva saobraćaja Kantona Sarajevo na zahtjev Vijeća za uspostavljanjem komercijalne linije Hrasnica-Vijećnica. Pokrenuta je inicijativa da ministarstvo urgentno donese novi Pravilnik o uslovima, načinu i specifičnostima organizacije obavljanja javnog prevoza putnika u Kantonu Sarajevo, kojim će biti omogućeno da se uvažavaju potrebe građana za autobuskom linijom Hrasnica-Vijećnica.

Jedna od tačaka bila je i Informacija o utrošku sredstava i realizaciji poslovnih ideja na osnovu javnog poziva za finansiranje i sufinansiranje najboljih poslovnih planova sredstvima budžeta Općine Ilidža za 2017. godinu namjenjenih razvoju poduzetničke inicijative mladih sa područja općine Ilidža koju je Vijeće primilo k znanju. Na javni poziv prijavilo se osam kandidata od kojih njih šest je ispunjavalo uslove kojima su dodijeljena sredstva za realizaciju poslovnih planova, a koji su opravdali utrošak dobijenih sredstava. Za ovaj projekat je iz budžeta izdvojeno ukupno 50.000 KM, a utrošeno je 26.499,69 KM.





## Za zamjenu dotrajalih Ilidža dobila 200 novih kontejnera

**M**inistarstvo komunalne privrede i infrastrukture Kantona Sarajevo finansiralo je nabavku 1000 novih kontejnera kapaciteta 1.100 litara za zamjenu uništenih i dotrajalih kontejnera u Kantonu Sarajevo, a koji će biti distribuirani u devet općina. Raspodjela po općinama izvršena je na osnovu ukupnog broja stanovnika, broja kontejnera za odlaganje, količine otpada koji se proizvede po domaćinstvu i ukupnog broja uništenih kontejnera. Na osnovu ovih kriterija općini Ilidža pripalo je 200 novih kontejnera koji su joj uručeni 2. aprila kod Doma zdravlja Ilidža čime je počela realizacija projekta zamjene dotrajalih kontejnera u Kantonu, a kojoj su prisustvovali ministar komunalne privrede i infrastrukture Kantona Sarajevo Senad Hasanbegović, načelnik Općine Ilidža prof. dr. Senaid Memić i direktor KJKP „RAD“ Sarajevo Selim Babić.

„Nismo zadovoljni brojem dobijenih kontejnera jer Ilidža od ukupno 1700 ima oštećeno 1200 kontejnera. Nisamo zadovoljni ni čistoćom općine. Otpad se redovno odvozi, ali ima dosta i neodgovornih pojedinaca koji bacaju smeće gdje stignu. Mi smo općina sa najviše noćenja u Kantonu Sarajevo i želimo da turisti koji borave ovdje ponesu lijepu sliku o nama“, kazao je načelnik Memić.



## Podijeljeno 3100 sadnica voća

**U**sklopu proljetne sadnje, Općina Ilidža je i ove kao i predhodnih godina provela akciju podijelu sadnica voća stanovnicima općine. Ukupno je podijeljeno 3100 sadnica, od toga 1500 komada jabuke, 550 šljive, 500 kruške, 200 višnje, 150 trešnje, breskve 100 i 100 sadnica oraha. Distribucija i podjela sadnica stanovnicima obavljena je po mjesnim zajednicama. Prednost prilikom podjele imali su građani koji predhodnih godina nisu bili obuhvaćeni podjelom. Ovo je još jedna od akcija u nizu kojim Općina Ilidža pomaže stanovnicima u razvoju poljoprivrede. Za nabavku sadnica Općina je izdvojila 7.000 KM.



## Općina Ilidža dala 10.000 KM za izgradnju nišana šehidima i poginulim borcima

**O**pćina Ilidža i Fond Kantona Sarajevo za izgradnju i očuvanje grobalja šehida, poginulih boraca, memorijalnih centara i spomen-obilježja, žrtava genocida Kantona Sarajevo potpisali su Sporazum o sufinansiranju projekta izrade i postavljanja nišana i spomen obilježja.

Nišani i spomen obilježja su namijenjeni šehidima, poginulim borcima i umrlim braniteljima Armije RBiH, koji su ukopani na grobljima na području Kantona Sarajevo. Sporazum su potpisali 27. marta 2018. godine načelnik Općine Ilidža prof. dr. Senaid Memić i direktor Fonda Suad Zijadić, a istim se Općina obavezuje da će uplatiti grant u iznosu od 10.000 KM.

“Sredstva koja smo dobili od Općine namjenski ćemo iskoristiti za postavljanje nišana i spomen-obilježja šehidima, poginulim braniteljima i umrlim veteranima odbrambeno-oslobodilačkog rata. Trenutno radimo na postavljanju nišana umrlim veteranima, a prema Zakonu o dopunskim pravima boraca. Općina Ilidža je prepoznala važnost ovog projekta, kojim se čuva uspomena na učesnike proteklog rata koji su dali svoje živote i hvala Općini Ilidža na ovoj podršci“, izjavio je Zijadić.

“Tradicionalno mi podržavamo aktivnosti Fonda i dalje ćemo nastaviti u skladu sa našim budžetskim sredstvima. Nadam se da će ova sredstva pomoći Fondu da nastave brigu o nišanima za sinove BiH“ rekao je, između ostalog, načelnik Memić.







## Memorijalno-historijski susret „Dani kotoračkih bitaka“

Ispred spomen-obilježja u Donjem Kotorcu 16. marta polaganjem cvijeća i učenjem Fatihe obilježena je godišnjica legendarne Kotaračke bitke i Dan mjesne zajednice Butmir. Nastavljajući dugogodišnju poslijeratnu tradiciju obilježavanja značajnih datuma, događaja i ličnosti i njegujući historiju borbe protiv agresije i ove godine po 22. put okupili su se nekadašnji suborci, građani, učenici i brojni gosti kako bi na dostojanstven način obilježili Memorijalno-historijski susret „Dani kotoračkih bitaka.“ Cvijeće su položile delegacije Općine Ilidža, Kantona Sarajevo, boračkih udruženja, porodica šehida i poginulih boraca, rodbina i prijatelji. Cvijeće je položen i ispred spomen-obilježja u Butmiru

„Bitka za Kotorac odvijala se od 17. do 21. marta 1993. godine i to jest najveća i najvažnija bitka na ovim prostorima, a u Kotorcu je bilo još mnogo bitaka i svi koji su bili u ovim bitkama su heroji naši zlatni ljiljani. Bila je to jedina nada za opkoljeno Sarajevo, bila je to granica nemogućeg, odbranjen je put spasa i slobode. Odbranom Kotoraca odbraneno je i Sarajevo. Zauzimanjem Kotorca Sarajevo bi ostalo potpuno odsječeno, a postojanje BiH bilo bi upitno,“ poručeno je sa skupa.

Prisutnima su se obratili ministar za boračka pitanja Kantona Sarajevo Muharem Fišo, načelnik Općine Ilidža prof. dr. Senaid Memić i general Fikret Prevljak koji su prisutne pozvali na jedinstvo i složnost u očuvanju tekovina ove svih bitaka za odbranu Bosne i Hercegovine.

Tih dana ovdje su poginuli: Amir Ahmetspahić, Hajrudin Čatović, Huseini Arsim, Izet Kadić, Hajrudin Kalauzović, Nurko Kršo, Ekrem Mujkić, Jusuf Mulaosmanović, Ahmed Pajević, Vahid Silajdžić, Nusret Suljević, Nedžad Šehović, Nijaz Tucaković i Hamid Dupovac-Haće, pripadnik jedinice „Crni labudovi“.

Svoj doprinos obilježavanju ovog značajnog datuma dali su i učenici Treće osnovne škole takmičenjem u pisanju literarnih radova na temu „Tako se branila Bosna“ i na taj način iskazali svoju ljubav i patriotizam prema svojoj domovini. Učenicima najboljih radova uručane su zahvalnice i knjige. Za najbolji rad prvo mjesto pripalo je Lejli Sarić koja je prisutnima pročitala svoj literarni rad. Prigodan program izveli su učenici Treće i Sedme osnovne škole. Organizatori obilježavanja su JOB „Unija veterana“ Ilidža i Općina Ilidža u saradnji sa Ministarstvom za boračka pitanja Kantona Sarajevo, mjesnim zajednicama Butmir i Donji Kotorac, osnovnim i srednjim školama Ilidže, te vjerskom zajednicom Butmir.

## Posjeta osnovaca Tunelu spasa

U povodu obilježavanja Dana Općine Ilidža, te u okviru projekta “Dani otvorenih vrata Spomeničkog kompleksa-Tunel spasa“ od 20 do 23. marta 2018. godine, učenici devetih razreda osnovnih škola sa područja općine Ilidža posjetili su Tunel spasa. Tom prilikom učenicima je prikazan dokumentarni film o tunelu, pogledali su muzejsku postavku i prisustvovali času historije na temu ratnih dešavanja iz perioda '92-'95.

„Smatramo da na ovaj način razvijamo ljubav prema domovini, a učimo ih i šta se događalo u ratnom periodu o kojem u udžbenicima nema ništa. Želimo da bar na jedan sat vizuelno vide kako se borilo za preživljavanje. Ujedno želimo ovim projektom podsjetiti naše učenike da nikad ne trebaju zaboraviti šta se ovdje dešavalo i žrtve koje su pale” kazao nam je pomoćnik načelnika za obrazovanje, kulturu, sport i informisanje Denis Muhović.

“Ovo je bio spas za građane. Zadivljen sam onim šta sam vidio kako su ljudi preživljavali. Od roditelja sam nešto čuo, u školi su pričali, a evo danas sam vidio. Ono što me najviše dojmilo je prolazak kroz autentični dio tunela “ rekao nam je Armin Čurić učenik Druge osnovne škole. Ovaj projekat finansira Općina Ilidža a tunel je posjetilo 700 osnovaca.



## Nastavljeni radovi na deminiranju

Radovi na deminiranju lokaliteta Zoranovići koji su počeli 12. oktobra 2017. godine, a bili su prekinuti 27. novembra 2017. godine, usljed loših vremenskih uslova, nastavljani su 15. marta 2018. godine. Ostalo je da se deminira još 35 posto ili milion kvadratnih metara od ukupne površine. Projekat deminiranja u vrijednosti od 300.000 KM finansira Općina Ilidža. Izvođač radova je Udruženje „Centar za obuku pasa za otkrivanje mina“ iz Sarajeva.







## Prijem za prijatelje Organizatora otpora

U povodu Dana Općine Ilidže načelnik Općine Ilidža prof. dr. Senaid Memić upriličio je prijem 15. marta za prijatelje, komandante i doktore Organizatora i pokreta otpora u BiH. Dodijelio im je priznanja za njihov doprinos koji su davali nesebično u odbrani BiH.

„Vi ste dali veliki doprinos koji se ne može izmjeriti, niti se može, a niti smije zaboraviti šta ste radili tada, a i danas za naše građane“ izjavio je načelnik Općine Ilidža prof. dr. Senaid Memić.

Doktorica Sabina Prevljak je izrazila zahvalnost na prijemu i zahvalnici, dodavši da je ona izabrala i kao čovjek i doktor da pomaže jedinoj Bosni i Hercegovini.



## FOCUS konferencija o inovacijama i komunikacijama u javnoj upravi i javnim tvrtkama

Općina Ilidža bila je domaćin i sponzor FOCUS konferencije o inovacijama i komunikacijama u javnoj upravi i javnim preduzećima.

Konferencija je održana 16. marta u hotelu Hollywood. Općina Ilidža i njen načelnik prof. dr. Senaid Memić oduvijek su bili svjesni da su tu u službi građana, a komunikacijski procesi ključni su faktor transparentnosti servisa građana.

Zemlje jugoistočne Evrope tokom tranzicijskog procesa suočile su se s brojnim promjenama. Danas, zbog sve većeg utjecaja tehnologije, komunikacija je ovisna o brojnim digitalnim platformama, a različite generacije različito percipiraju i koriste komunikacijske alate. U takvom okruženju, javna uprava izložena je kritikama zbog birokratskih prepreka i nedovoljne komunikacije s javnošću.

Stoga javna rasprava o efikasnoj komunikaciji potrebna je više nego ikada, a neka od pitanja koje se nameću su: kako na jednostavan način informirati ciljnu javnost, razumiju li političari važnost transparentnog komuniciranja, koja je njihova uloga i šta trebaju raditi komunikacijski stručnjaci u javnom sektoru. Međunarodna konferencija FOCUS predstavlja platformu za povezivanje, razmjenu znanja i iskustva te definiranje smjernica novih komunikacijskih procesa.

Moto konferencije glasi bliže ljudima, a okupila je predstavnike javnog i privatnog sektora. Misija zaposlenih u javnom sektoru je približavanje građanima putem jednostavne i transparentne komunikacije, a sve s ciljem zajedničkog napretka. Načelnik Memić je svim prisutnim poželio uspješan rad i ugodan boravak na Ilidži.



## Ravnopravnost spolova nije isključivo pitanje socijalne pravde

Implementacija Gender akcionog plana Općine Ilidža za period 2017-2020. godine, bila je tema sastanka 20. marta 2018. godine u ovoj općini. Provođenje strateškopolanskog dokumenta Općine koji direktno podržava primjenu Zakona o ravnopravnosti spolova BiH na lokalnom nivou i definira ciljeve i mjere za unapređenje ravnopravnosti spolova u lokalnoj zajednici, potiče budući rast i razvoj općine.

Za implementaciju ovog dokumenta zadužene su Komisija za izbor, imenovanje i pitanja ravnopravnosti spolova i Komisija za zaštitu ljudskih prava, predstave i prijedloge Općinskog vijeća u saradnji sa javnim institucijama, nevladinim organizacijama, lokalnim partnerima, savjetima mjesnih zajednica, političkim partijama i ostalim subjektima i pojedincima koji svojim zakonskim i drugim ovlaštenjima mogu doprinijeti implementaciji planiranih aktivnosti.

Nedovoljna educiranost i informiranost žena o mogućnostima samozapošljavanja i zapošljavanja koja ima za posljedicu nisku stopu ekonomske aktivnosti žena na tržištu rada, jedan je od motiva koji je bio vodilja za implementaciju Gender akcionog plana Općine Ilidža za period 2017-2020. godine. Na sastanku su prezentirani planovi radnih grupa za realizaciju ciljeva Gender akcionog plana Općine Ilidža za 2018. godinu.

Prilikom provođenja Gender akcionog plana Općine Ilidža posebno se treba voditi računa o sferama ekonomije, zapošljavanja kao i edukaciju i informiranosti žena na lokalnom nivou, kao i podsticanje rodno odgovornog poduzetništva.

Kao neke od mjera, navedeno je jačanje menadžerskih i ličnih sposobnosti za ulazak u svijet poduzetništva i turizma. Planirano je i održavanje okruglog stola o temi iskustva i prakse lokalnih zajednica u podsticanju na kojem bi eminentni stručnjaci održali edukaciju i predstavili mogućnost osnivanja firmi, a samim tim, podstakli i zapošljavanje. Okrugli sto bi se trebao održati 10. maja.

Ravnopravnost spolova nije isključivo pitanje socijalne pravde, nego predstavlja jednu od ključnih komponenti za društveni i ekonomski razvoj jedne zemlje, ali i smanjenje siromaštva i poboljšanje kvaliteta života svih građana i građanki jednog društva, rečeno je na sastanku.





## Na takmičenju iz geografije najbolji Elmin Halilčević

Dvadesetprvo općinsko takmičenje učenika osnovnih škola Ilidže iz geografije, pod pokroviteljstvom Općine Ilidža, a u organizaciji Službe za obrazovanje, kulturu, sport i informisanje održano je u Četvrtoj gimnaziji Ilidža 15. marta 2018. godine. Na takmičenju su učestvovali učenici devetih razreda iz 12 osnovnih škola, a svaku školu predstavljalo je po tri učenika. Prvo mjesto osvojio je učenik Treće osnovne škole Elmin Halilčević, drugo Tarik Bojičić iz Treće, a treće Ajla Osmanović iz Šeste osnovne škole. U ekipnom plasmanu najbolja je Treća osnovna škola, druga je Druga osnovna škola i treća Sedma osnovna škola. Na kantonalnom takmičenju 29. marta, Tarik Bojičić bio je četvrti, a Treća osnovna škola u ekipnom takmičenju drugo mjesto.



## Najbolji matematičari iz Osme osnovne škole

U Četvrtoj gimnaziji Ilidža 9. marta 2018. godine održano je 23. Općinsko takmičenje učenika osnovnih škola Ilidže iz matematike. Takmičilo se 99 učenika iz 11 osnovnih škola. U kategoriji sedmih razreda prvo mjesto zauzeo je Harun Alibegović iz Osme osnovne škole "Amer Čenanović", drugo Faris Avdić iz Pete osnovne škole, a Nadir Hrustanbegović iz Osme osnovne škole "Amer Čenanović" treće mjesto.

U kategoriji osmih razreda Halid Gakić iz Četvrte osnovne škole prvo mjesto, drugo Harun Metiljević iz iste škole, dok je treće mjesto pripalo Eminu Čenanoviću iz Osme osnovne škole "Amer Čenanović".

Azra Pamuk iz Druge osnovne škole najbolja je matematičarka u kategoriji devetih razreda, druga je Selma Holjan iz iste škole, a Ammar Omerika iz Osnovne škole Mehmed Handžić je bio treće mjesto. U ekipnom plasmanu najbolje rezultate imaju učenici Osme osnovne škole "Amer Čenanović", druga je Peta osnovna a treća je Druga osnovna.

Za prvo mjesto učenici će se nagraditi sa 100 KM, za drugo 80 a trećeplasiranim po 60 KM. Učenici će predstavljati Općinu Ilidža na kantonalnom takmičenju.



## Najbolji fizičari Druge osnovne škole

Za učenike osnovnih škola općine Ilidža, 28. marta 2018. godine u Četvrtoj gimnaziji Ilidža, održano je 23. općinsko takmičenje iz fizike. Takmičili su se učenici osmih i devetih razreda iz jedanaest osnovnih škola. Svaku školu predstavljalo je po šest učenika.

U pojedinačnoj konkurenciji u kategoriji osmih razreda prvo mjesto osvojila je Lamija Fatić iz Pete osnovne škole, drugo Berina Karić iz Devete osnovne škole i treće Dalila Cernica iz osnovne škole „Mehmed Handžić“. Kod devetih razreda prvo mjesto osvojila je Selma Holjan iz Druge osnovne škole, drugo Elmin Halilčević iz Treće, a treće Ensar Kolašinac iz Osme osnovne škole „Amer Čenanović“. U ekipnom plasmanu najbolja je Druga osnovna škola, druga Peta osnovna škola i treća Osmo osnovna škola „Amer Čenanović“.



## Nisu zaboravljeni prijatelji Organizatora otpora

Načelnik Općine Ilidža prof. dr. Senaid Memić 21. marta 2018. godine primo je prijatelje Udruženja boraca "Organizatori i pokretači otpora" Ilidža. Tom prilikom uručio im je zahvalnice za nesebičan doprinos u odbrani zemlje i pomoći koju pružaju boračkoj populaciji.

Hajriz Bećirović izrazio je zahvalnost na prijemu, rekavši da im zahvalnica mnogo znači jer nisu zaboravljeni. Elvir Švrakić je dodao kako je njihova misija i dalje zalaganje za prosperitetnu BiH.







## Informatičari Druge osnovne škole osvojili prvo mjesto

Općinsko takmičenje iz informatike učenika osnovnih škola Ilidže dvadesetprvo po redu održano je 22. marta 2018. godine u Četvrtoj gimnaziji Ilidža. Na takmičenju su učestvovali učenici iz 11 osnovnih škola, a svaku školu predstavljalo je po tri učenika. Prvo mjesto zauzeli su informatičari Druge osnovne škole sa osvojenih 100 bodova, a koju su predstavljali Azra Pamuk, Nedim Redžović i Sara Palo. Drugo mjesto sa 85 bodova pripalo je ekipi Sedme osnovne škole za koju su se takmičili učenici Affan Zukić, Berin Fakić i Kerim Alajbegović, dok je trećeplasirana Deseta osnovna škola i njeni učenici Amer Mekić, Nermina Kiverić i Nedim Gabela koji su osvojili 80 bodova. Pobjednicima je Općina Ilidža obezbjedila novčane nagrade.



## Prezentacija idejnog rješanja objekta za Dječiji vrtić, Dnevni centar za djecu sa posebnim potrebama i Centar za zdravo staranje

U prostorijama i u organizaciji Općine Ilidža, 23. marta 2018. godine održana je prezentacija koncepta idejnog rješanja objekta namjenjenog za Dječiji vrtić, Dnevni centar za djecu sa posebnim potrebama i Centar za zdravo staranje. U novoj prezentaciji je Centar za djecu sa posebnim potrebama izmješten na drugu lokaciju, jer je ustanovljeno da ponuđena lokacija ne može zadovoljiti programske zahtjeve.

Ovim potezom se dobilo kvalitetnije rješenje za sve tri namjene namjene. Nakon usvajanja ovog koncepta izraditi će se idejno rješenje i krenuti u novu, daljnu procedure. Koncept idejnog rješenja objekta uradio je Arhitektonski fakultet Sarajevo.



## Obilježen Dan MZ Centar

Članovi Savjeta MZ Ilidža Centar položili su 12. marta cvijeće ispred spomen-obilježja MZ Centar. Polaganjem cvijeća odali su počast svim poginulim šehidima i palim borcima. Ovaj dan se proslavlja kao Dan MZ Ilidža-Centar.





## Tradicionalna ulična trka „Amer Čenanović“

Prvog aprila 2018. godine navršit će se sedam godina od prerane smrti načelnika Općine Ilidža Amera Čenanovića. Tim povodom u znak sjećanja na ovog velikog i plemenitog čovjeka, 30. marta već sedmu godinu zaredom održana je ulična trka „Amer Čenanović“.

U trci dužine oko tri kilometra, koju je organizovala Općina Ilidža, učestvovalo je 480 učenika osnovnih i srednjih škola.



Prvo mjesto među djevojčicama osnovnih škola osvojila je Ena Kapidžić iz Desete osnovne škole, drugo Emina Lagarija iz Međunarodne osnovne škole i treće Adna Šurković iz Treće osnovne škole. U kategoriji dječaka prvi kroz cilj prošao je Edin Smajić iz Devete osnovne škole, drugi Haris Hromo iz Sedme osnovne škole i treći Hadi Goro iz Osnovne škole „Amer Čenanović“. Od srednjoškolki prva je bila Džejla Turković iz Srednje tehničke škole grafičkih tehnologija, dizajna i multimedije, druga Adelisa Hromo iz Srednje poljoprivredne škole i treća Nejra Čengić iz Četvrtre gimnazije.

Prvo mjesto u kategoriji učenika srednjih škola osvojio je Belmin Godinjak iz Srednje tehničke škole grafičkih tehnologija, dizajna i multimedije, drugo Salko Nargalić iz Međunarodne srednje škole, drugo i treće Berin Mušanović iz Gimnazije Obala.

Medalje i zahvalnice pobjednicima su uručili načelnik Općine Ilidža prof. dr. Senaid Memić, Edin Hošić dopredsjedavajući Općinskog vijeća Ilidža i efendija Hazim Krupalija.

„Sretan sam što sam danas sa vama. Ovo je najbolji način da se prisjetimo i pamtimo ovog velikog čovjeka i da zajedno radimo na budućnosti kakvu je on gradio i želio. Ilidža je bogata općina mnogim ljepotama, ali je najbogatija djecom kao što ste vi. Svi koji su učestvovali i stigli na cilj su pobjednici“, poručio je učesnicima trke načelnik Memić.



## Promovisan časopis Zmaj

Udruženje za očuvanje tradicije i razvoj kulturno-umjetničkog stvaralaštva „Bašlija“ povodom „Dana Općine Ilidža 2018“ upriličilo je svečanu promociju prvog izdanja ilidžanskog časopisa Zmaj. Promocija časopisa je održana u velikoj sali Multimedijalnog centra Ilidža 30. marta 2018. godine.

Projekat pod nazivom Ilidžanski časopis „Zmaj“ namijenjen je prvenstveno da djeci i mladima pruži priliku da kroz sadržaj i aktivnosti projekata izraze svoj talenat, a potom i informišu naše sugrađane o ljepotama Ilidže, našim talentima koji vrijedno rade i osvajaju značajne rezultate.

Također cilj je i da predstavimo udruženja, klubove i organizacije koje vrijedno rade i koje svakodnevno doprinose razvoju naše općine kroz obrazovni, kulturni, sportski, privredni i drugi segment.

„Projekat je finansijski podržan od strane Općine Ilidža kroz javni poziv za projekte za mlade, pa su se iz Udruženja ovom prilikom i zahvalili načelniku Općine Ilidža, prof. dr. Senaidu Memiću i Službi za finansije i Službi za obrazovanje, kulturu, sport i informisanje.

Promociji je prisustvao i načelnik prof. dr. Senaid Memić, kao i njegovi saradnici Službe za obrazovanje, kulturu, sport i informisanje Općine Ilidža.

## Mališani čestitali Dan Općine

Povodom Dana Općine Ilidža 12. marta 2018., mališani iz vrtića „Sretno djetinjstvo“ u pratnji svojih odgajatelja posjetili su načelnika Općine Ilidža prof. dr. Senaida Memića. Čestitali su prigodnim recitalom Dan Općine i uručili zahvalnicu i čestitku. Mališani su došli u prigodnom dekoru s balonima plave i žute boje, koje simboliziraju zastavu BiH.







## Koncert u organizaciji “Bašlije”

U čast obilježavanja 12. marta Dana općine Ilidža 01. aprila 2018. održan je koncert udruženja “Bašlija” sa gostima iz Rusije koji je bio veoma posjećen.

Kroz bogat kulturno-zabavni i umjetnički program, predstavile su se folklorna sekcije Udruženja „Bašlija“, kroz nekoliko koreografija, muzičkih i plesnih numera, u kojima su učestvovali učenici Četvrte, Pete, Šeste i Desete osnovne škole. Gosti iz Rusije predstavili su tradiciju svog naroda kroz dvije veoma lijepe i atraktivne koreografije. Program se realizovao u velikoj sali Multimedijalnog centra Ilidža.



## Koncert KUD-a “Ekrem Mujkić”

Povodom Dana Općine Ilidža 24. marta u Multimedijalnoj sali, u organizaciji KUD Ekrem Mujkić održan je cjelovečernji koncert na kojem su se predstavile sve aktivne sekcije ovog KUD-a. Sala je bila puna publike, a 25. marta Dramska sekcija izvela je predstavu “To je to” u Domu kulture Butmir. Butmirska publika je podržala svojim prisustvom rad mladih glumaca.



## “Aleja” obilježila Svjetski dan voda

Ekološko udruženje “Aleja” obilježilo je Svjetski dan šuma i Svjetski dan voda u saradnji sa Drugom i Četvrtom osnovnom školom Hrasnica. Predstavnici Ekološkog udruženja “Aleja” održali su stručna predavanja za školare, te su izrazili zadovoljstvo sa znanjem koje su pokazali učenici. Zbog vremenskih prilika planirani drugi dio aktivnosti nije se mogao realizovati. Dodijeljene su zahvalnice i suvenir sat direktorima škola, te dogovorena saradnja u budućim aktivnostima.



## Učenici škole “Mehmed Handžić” takmičili se u pravljanju zastava

Učenici i nastavnici Osnovne škole „Mehmed Handžić“ ove su školske godine organizovali nešto drugačije obilježavanje Dana nezavisnosti, koje se sastojalo od tri segmenta.

U školi je održan “Historijski čas”, kojem su prisustvovali učenici od četvrtog do devetog razreda. Historijski čas je održao Salko Hajdarević, ratni komadant i dobitnik “Zlatnog ljiljana”. Učenici su posjetili Zemaljski muzej. Također, u atriju škole, učenici su izložili zastave BiH, koje su pravili u okviru svojih odjeljenja. Proslava Dana nezavisnosti 2. marta završena je proglašenjem pobjednika u takmičenju u pravljanju zastava i kino-projeksijom filma „Savršeni krug“ za učenike od šestog do devetog razreda.





## Veče duhovne muzike

U Multimedijalnom centru 18. marta 2018. godine održan je Koncert duhovne muzike. Ilidžanska publika je uživala u najljepšim ilahijama i kasidama, crkvenim pjesmama, sevdalinkama, te aranžmanima prilagođenim zvuku ovog vremena, u izvođenju bosanskohercegovačkog ansambla "Sultan Mehmet Fatih, "Zboga Fra Nenad Dujčić" i KUD Proleter. To je bila jedinstvena manifestacija ove vrste u Bosni i Hercegovini.

U aprilu se navršava 14 godina postojanja Ansambla Sultan Mehmed Fatih, a za to vrijeme su prošli oko million kilometara, došli na četiri kontinenta, u 14 godina njihove redove je popunjavalo više od 600 mladih ljudi Ilidže i drugih krajeva Bosne i Hercegovine, a u izvedbama je uživalo nekoliko stotina hiljada posjetilaca. Islamska duhovna muzika koju izvode na bosanskom, turskom, staroturskom, arapskom, engleskom, urdu jeziku, je u svojim aranžmanima prilagođena slušaocima današnjeg vremena i uvijek pružala nezaboravan doživljaj, a za to su se pobrinuli dirigenti Mehmed Bajraktarević i Munir Mešanović.

Zajednički projekti sa horovima iz Sarajeva, Zagreba, Novog Pazara, Orašja, Ilijaša, Konjica, Mostara, Tuzle, i odakle sve ne, nije nepoznanica ovim ilidžanskim ambasadorima kulture. Tako i ovaj zajednički koncert sa prijateljima iz Franjevačke teologije mnogo govori o njihovoj otvorenosti i privrženosti u promovisanju kulturnih različitosti naroda Bosne i Hercegovine.

Zbor Fra Nenad Dujčić već dugi niz godina djeluje na teološkom učilištu, Franjevačkoj teologiji u Sarajevu, i to od 1909. godine. Okuplja studente bogoslove franjevce koji se spremaju postati svećenici-fratri. Repertoar zbora fra Nenad Dujčić većinom je sakralnog karaktera jer je on namijenjen primarno da animira liturgijsko-crkvene obrede i službe na Franjevačkoj teologiji u Sarajevu. Posebnost ovog Zbora jest da, kao jedan od rijetkih u BiH njeguje staro crkveno pjevanje koje se naziva gregorijanski koral, a iz kojeg je izrasla europska glazbena kultura. Zbor pjeva i tradicionalne bosanske narodne i starogradske pjesme, te klapsku glazbu. Zbor nastupa širom Bosne i Hercegovine, Hrvatske i Slovenije. Prije svega nastupa na liturgijsko-crkvenim obredima, ali i na brojnim svečanostima, akademijama, promocijama, smotrama, interreligijskim susretima, te humanitarnim koncertima. Voditelji Zbora Fra Nenad Dujčić kroz dugi niz godina su fratri Franjevačke Provincije Bosne Srebrene: Fra Vjeko Šunjić, fra Nenad Dujčić (po kome je kasnije i nazvan ovaj Zbor), fra Slavko Topić, fra Anto Kovačić. Svi su bili franjevački svećenici ali su uz to i vrsni glazbenici, dirigenti i skladatelji, koji su završili visoke glazbene škole i akademije u Sarajevu, u Rimu, u Zagrebu, te u Njemačkoj i Austriji. Aktualni voditelj Zbora je fra Emanuel Josić, svećenik, franjevac i glazbenik. Već punih 113 godina KUD Proleter njeguje tradiciju, predstavlja sponu između svojih članova i tradicije.



## Sedma večer poezije "Ilidžo, u srcu i stihu te nosim"

Udruženje za očuvanje tradiciju i razvoj kulturno-umjetničkog stvaralaštva "BAŠLIJA" povodom "Dana Općine Ilidža 2018." organizovalo je Sedmu večer poezije "Ilidžo, u srcu i stihu te nosim". Ilidžom su na ovoj poetskoj večeri protkani stihovi koji dolaze iz srca svakog djeteta, jer su svoje stihove pisali sa puno pažnje, posvećenosti i ljubavi prema Ilidži.

Svečanost je organizovana u sali Multimedijalnog centra Ilidža 15. marta 2018. godine. U ovom projektu, učestvovalo je 90 učenika, iz devet osnovnih škola, za koje je bilo zaduženo 24 nastavnika. Učenici su svoje radove pisali na teme: "Ilidžanski vremeplov" i "Sve što Ilidžu krasi".

Specijalnu nagradu, pod nazivom „Aida Lušničkić“ za najbolji, među najboljim literarnim radovima, pripala je učeniku VIII-3 razreda Prve osnovne škole, Mirnesu Omeroviću.

Cijeli program uljepšali su plesna sekcija "Makarena" iz Desete osnovne škole i folklor Prve osnovne škole Ilidža. Nagrađeni učenici u projektu „Ilidžo, u srcu i stihu te nosim“ su: **treći razredi:** Edna Uzunović, Druga osnovna škola, Nadija Suljkić, Deseta Amira Vejseli, Druga, Anisa Selimović, Deseta, Fatima Spahović, Druga osnovna škola. U kategoriji **četvrtih razredi:** Taida Tinjak, Treća osnovna škola, Benjamin Ičindić, Osmi, Elvin Tahirović, Druga, Delila Rešidović, Prva, Rijad Oković, Prva, Ema Hadžić, Druga osnovna škola.

**Peti razredi:** Ilma Pleh, Šesta osnovna škola, Zerina Jelašković, Osmi, Rejhan Čovrk, Treća, Farah Šehović, Osmi osnovna "Amer Čenanović".

**Šesti razredi:** Selma Grebović, Prva osnovna škola, Merjem Kurtović, Treća, Muamera Gibanica, Treća, Taida Terzo, Četvrta, Adna Maslo, Druga, Aida Šehić, Treća, Lamija Deliće, Peta, Adi Mešić, Druga osnovna škola.

**Sedmi razredi:** Adem Džihović, Četvrta osnovna, Amila Nalo, Deseta, Eldin Ramdemović, Treća, Adna Rebrnja, Peta, Ajiša Hodžić, Četvrta, Lamija Hodžić, Prva osnovna škola.

**Osmi razredi:** Berina Karić, Deveta, Ajla Ibrahimović, Druga, Aner Atović, Druga, Šejla Vuk, Treća osnovna škola.

**Deveti razredi:** Mia Petrić, Treća osnovna, Minel Polovina, Prva, Irma Penjić, Treća, Lamija Korman, Deseta, Edna Kurtagić, Deseta, Faris Kolar, Prva, te Harun Dedović, Prva osnovna škola.





## Zlatne medalje za Edina Sinanovića i Sadina Hadžajliju

Na Evropskom kupu u boks u održanom u Beogradu 16-18. marta 2018. godine na kojem je nastupilo 330 takmičara iz 12 zemalja, takmičari Kick boxing akademije Ilidža osvojili su dvije zlatne medalje.

Edin Sinanović u seniorskoj konkurenciji u kategoriji -67kg i Sadin Hadžajlija u juniorskoj konkurenciji u kategoriji -91kg.



## Na turniru u šahu učestvovalo 20 igrača

U organizaciji Šahovskog kluba „Igman“ Ilidža, 11. marta 2018. godine u prostorijama restorana RVI Bazeni na Ilidži, a povodom Dana općine Ilidža, održan je tradicionalni otvoreni turnir u šahu. Na turniru je učestvovalo 20 igrača sa područja Kantona Sarajevo koji su igrali po švicarskom sistemu 10 minuta po igraču, a odigrano je devet kola. Prvo mjesto osvojio je Eldin Bučan, drugo Muzafer Alihodžić i treće mjesto Salih Hasković. Sudija turnira je bio Zlatko Mladenović. Pobjednicima su uručene prigodne nagrade. Pokrovitelj turnira je Općina Ilidža.



## “Ilidža Open 2018”

Ilidža je 10. i 11. marta 2018. godine bila centar okupljanja karatista iz regiona. Na Trinaestom otvorenom prvenstvu u karateu “Ilidža Open 2018” u sportskoj dvorani kulturno sportskog centra Ilidža učestvovalo je skoro 1.300 takmičara iz šest zemalja i 110 klubova. Organizator turnira je KK “Champion” Ilidža, pod pokroviteljstvom Općine Ilidža.

Dodijeljena su i posebna priznanja istaknutim sportistima Munibu Dedoviću, Maksimu Avramoviću, Mirnesi Bektaš i Merisu Muhoviću i Anesu Čongi.

“Ova manifestacija je jedna u nizu kulturnih i sportskih, kojim se obilježava Dan Općine Ilidža. Poklanjamo je građanima općine, jer je i generalni pokrovitelj Općina Ilidža na čelu sa prof. dr. Senaidom Memićem. Ponosni smo što je načelnik prepoznao važnost podrške u organi-



zaciji turnira, a naš organizacioni odbor je na najbolji način odgovorio ukazanom povjerenju. Sigurni smo da je ova manifestacija na neki način i centralna i najmasovnija, tokom obilježavanja ovog važnog dana. Uz odličnu organizaciju ostavili smo utisak dobrog domaćina, što sigurno možemo potvrditi kada su naši građani u pitanju. Već sada najavaljujemo još kvalitetniji 14. Ilidža Open 2019, a zajedno sa prijateljima kluba nastaviti ćemo graditi novu priču” izjavio je Mensur Agović, predsjednik KK Champion.





## Na Ilidži najpoznatiji svjetski džudista Ilias Iliadis

U Sarajevu je boravila delegacija aktuelnog evropskog prvaka u džudou i jednog od najpoznatijih svjetskih klubova Edelweissa iz Groznog predvođena jednim od najuspješnijih džudista u historiji Iliasom Iliadisom i generalnim direktorom Aslambekom Snghriev. Osnivač i predsjednik sportske organizacije ON1 Karim Hebib na press konferenciji u Hotelu Hils na Ilidži istakao je kako je posjeta dio projekta pokrenutog prije tri godine s ambicijom da postane jedan od glavnih projekata za razvoj sporta u BiH.

“Ovo je samo jedna u nizu aktivnosti. Ovakva delegacija ranije nije bila u posjeti BiH i nadam se da će od nje biti koristi, posebno kako bi sport u BiH napredovao”, rekao je Hebib, nakon čega je potpisan ugovor o saradnji između Edelweisa i ON1. Iliadis je rekao da mu je čast što je u našoj državi, gdje je bio 2003. godine kao takmičar.

Naime, Iliadis spada među najznačajnije sportiste džudiste svih vremena i smatra se živućom legendom ovog sporta.

## Uspješno završili obuku članovi Gorske službe spašavanja

Na poziv TIKE u saradnji sa Federalnom upravom CZ, UDM, Gorska služba spašavanja Novi Grad, Udruženja Gorska služba spašavanja i streljački klub Ilidža učestvovali su u programu-treningu potraga i spašavanje u zimskim uslovima i medicinska potraga i spašavanje. Ukupno 57 osoba je završilo edukaciju, a po završetku obuke su dobili certifikat.



## Najuspješnije ekipe u pružanju prve pomoći Međunarodna srednja škola i Druga osnovna

Održano je 24. marta 2018. godine u Osmoj osnovnoj školi - Amer Čenanović u Butmiru, a učestvovalo je deset osnovnih te dvije srednje škole. Ekipe su svoje znanje pokazale na dvanaest poligona, pet rekreacijskih, te sedam takmičarskih: nesreća u cirkusu, obrušavanje krova zgrade, pljačka/pucnjava, požar u staračkom domu, nesreća u minskom polju, zemljotres u kafani, kardiopulmonalna reanimacija. Prvo mjesto kategorija omladine je Međunarodna srednja škola Ilidža, a drugo mjesto Četvrta gimnazija Ilidža

U kategorija podmlatka prvo mjesto Druga osnovna škola, drugo Prva, a treće Peta osnovna škola. Ekipe Međunarodne srednje škole i Druge osnovne škole će predstavljati CK Ilidža na predstojećem kantonalnom takmičenju iz prve pomoći koje će biti održano 05. maja 2018. godine.

## Tri barda grafičke prese

Povodom Dana Općine Ilidža 12. marta u zgradi Općine postavljena je bila izložba velikana bosanskohercegovačke grafike “Tri barda grafičke prese”. Izložba grafika donosi radove tri značajna bosanskohercegovačka umjetnika čiji je rad najvećim dijelom upravo vezan za ovu tehniku. To su Emir Dragulj, Dževad Hozo i Halil Tikveša.

Grafički otisci iz kolekcije Umjetničke galerije BiH prate ove umjetnike od najranijih dana, tako da je izložba veoma važan primjer razvoja grafičke umjetnosti u bosanskohercegovačkim okvirima. Izložba se velikim dijelom oslanja na bogatstvo bh. tradicije, ali istovremeno govori savremenim







## Održan Šesti Internacionalni turnir u košarci za mlade kategorije

**K**ošarkaški klub Impuls Ilidža je uspješno organizovao Šesti Internacionalni turnir u košarci za mlade kategorije. Učestvovalo je 106 ekipa, u osam starosnih kategorija i više od 1200 košarkaša i košarkačica iz Slovenije, Italije, Srbije, Bugarske i Bosne i Hercegovine.

“Ovaj turnir nas čini veoma prepoznatljivom općinom u široj regiji. Odigrano je više od 200 utakmica u tri takmičarska dana, u dvoranama KSiRC Ilidža, Ramiz Salčin, Dobrinja, Hollywood i u Osmoj osnovnoj školi “Amer Ćenanović”, rekao je Enis Muhović iz KK Impulsa.